

Najib maafkan Malaysiakini
Malaysiakini.com
Oct 22, 2008

Timbalan Perdana Menteri, Datuk Seri Najib Tun Razak berkata beliau berpuashati dengan pemohonan maaf Malaysiakini berhubung laporan mengenai manifesto yang tersalah dikaitkan dengannya.

Beliau juga memuji wartawan Wong Choon Mei - yang menulis laporan tersebut - kerana menunjukkan 'nilai-nilai profesional yang tinggi' kerana bersedia bertanggungjawab terhadap kesilapan tersebut. Beliau meletak jawatan semalam.

Bercakap kepada pemberita di lobi Parlimen selepas menjawab soalan di Dewan Rakyat, Najib yang juga menteri kewangan berkata, beliau puas hati dengan permohonan maaf Malaysiakini.

Bagaimanapun, katanya, persoalan yang belum terjawab ialah siapakah pihak-pihak sebenar yang bertanggungjawab di sebalik berita tersebut.

"Mereka masih bersembunyi dan kita masih tidak tahu siapakah mereka," kata Najib yang juga timbalan presiden Umno.

Katanya, beliau menyerahkan kepada pihak berkuasa untuk menentukan siapakah mereka yang bertanggungjawab itu.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/91726>